



Broj: 01,02,03,03/11-05-1-167,2/18
Sarajevo, 7.3.2018.



**Izvještaj sa sastanka Generalnog komiteta za društveni razvoj, obrazovanje,
istraživanje i nauku Parlamentarne skupštine SEECP-a,
Podgorica, 24. februar 2018.**

Član Delegacije Parlamentarne skupštine BiH u Parlamentarnoj skupštini Procesa saradnje u Jugoistočnoj Evropi (PSSEECP) Hanka Vajzović učestvovala je na sastanku Generalnog komiteta za društveni razvoj, obrazovanje, istraživanje i nauku PSSEECP-a, održanom 24. februara u Podgorici, u okviru slovenačkog predsjedavanja ovom inicijativom. Sastanak je organizirala Skupština Republike Crne Gore.

Sastankom je predsjedavao poslanik u Skupštini Crne Gore Radule Novović. Osim domaćina iz Skupštine Crne Gore, prisustvovali su i predstavnici parlamenta: Albanije, Bosne i Hercegovine, Grčke, Hrvatske, Kosova, Rumunije, Slovenije, Srbije i Turske. Na poziv predsjedavajućeg, učesnicima su se obratili ministar prosvjete dr. Damir Šehović i ekspertica Regionalnog sekretarijata za saradnju (RCC) Mimika Dobroški.

Generalni komitet bio je posvećen temi: "Obrazovanje u Jugoistočnoj Evropi: trenutno stanje i perspektive", a poslanici su se u svojim izlaganjima osvrnuli na stanje u svojim državama, predstavili dobre prakse i ukazali na probleme s kojima se suočavaju u ovoj važnoj oblasti.

Predsjedavajući Generalnog komiteta za društveni razvoj, obrazovanje, istraživanje i nauku PSSEECP-a poslanik Novović, predstavljajući Izvještaj i Rezoluciju, rekao je da su zemlje regiona uložile značajan napor da unaprijede nacionalne sisteme obrazovanja, čemu je zasigurno doprinijela kvalitetna saradnja i razmjena dobrih praksi u regionu. Također je uočeno unapređenje sistema obrazovanja u zemljama SEECP-a jer se upravo kroz obrazovni sistem razvijaju osjećanja za identitet sopstvene države i oblikuje svijest i pogled pojedinca u vezi s pitanjem razumijevanja procesa u društvu.

Ministar Šehović je učesnicima skupa predstavio šta je uradeno na reformi sistema obrazovanja u Crnoj Gori u prethodnoj godini. Istakao je da je Vlada Crne Gore pokrenula reformu svih nivoa obrazovanja, svjesna potrebe oslanjanja na model zasnovan na znanju i inovacijama kao ključnim pokretačima razvoja.

Na kraju sastanka, uz ocjenu da je riječ o kvalitetnim dokumentima, članovi Generalnog komiteta usvojili su Izvještaj i Rezoluciju koji će biti razmatrani i potvrđeni na zasjedanju Parlamentarne skupštine Procesa saradnje u Jugoistočnoj Evropi (PSSEECP). Plenarna sjednica PSSEECP-a će se održati 13. i 14. aprila u Ljubljani kada se završava jednogodišnje predsjedavanje Slovenije.

Izvještaj pripremila
sekretarka Delegacije
Jadranka Radović

J Radović

Dostaviti:

- Kolegiju Doma naroda Parlamentarne skupštine BiH
- Kolegiju Predstavničkog doma Parlamentarne skupštine BiH
- Kolegiju Sekretarijata Parlamentarne skupštine BiH
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za odnose s javnošću
- a/a